

Weh Wi Ga Fi Seh

Nyoo yaa 2025:
Nyoo yoo?

Fahn Febiweri 10 – Maach 7:

Di **UB Institute for Cultural and Indigenous Languages** di aafa wahn 4-week klaas weh wahn meet aanlain , **Febiweri 10 – Maach 7, 2025 fahn 5:30 tu 8:30 p.m.** Di klaas nayhn **“Introduction to Bileez Kriol Literacy.”**

Kaas: \$25 dalaz rejischrayshan fee oanli. Aal di mateeryal dehn FREE aanlain.

Weh yu wahn get: If yu kompleet di 24 owaz ahn du di praktis ahn werk, yu wahn geh wahn **sertifikat** fi rekognaiz di Kriol lichrasi ahn chranslayshan nalij ahn skilz yu laan.

Weh dis klaas bowt: Dis klaas mek fu pipl weh don noa fi taak Kriol bot dehn oanli reed ahn rait eena English an/er Spanish, er....Dis klaas wahn teech yu fi reed ahn rait Kriol wid di standad raitn sistim weh deh eena di Kriol-English dikshineri. **Hoo maita waahn tek dis klaas:** Enibadi weh ga wahn need er wahn faiya fi reed ahn rait eena Kriol (laik poayet, myoozishan, koat ripoata, teecha, kolcha pipl, meedya pipl, advataizment pipl).

Weh yu wahn laan: (1) Andastan bowt di Bileez Kriol raitn sistim (2) Laan bowt Bileez Kriol grama ahn sentens schrokcha(3) How fi reed Bileez Kriol (4) How fi rait eena Bileez Kriol (5)How fi chranslayt fahn English tu B.Kriol ahn neks way.

www.ubelearn.com er kaal: +(501)822-3680, ext. 1014

Ih eezi fi laan fi reed ahn rait Kriol.

*Big op tu **di nyoo Nashanal Kriol Kongsl Boad membaz** weh geh voat een Satideh, Janiweri 18, 2025, da Swift Haal eena Bileez Siti wid nyoo prezident Mista Wilford Felix...ahn tu **di nyoo PG branch...big laanch bak a dis branch Feb. 1^s da PG...di PG Kriol branch prezident da Danica, daata a Kriol Kween a Brokdong, Leela Vernon! Moa pahn di nyoo leedaz eena wahn nada aatkl.***

Silvaana Udz, Ed.D. da paat a di Kriol Langwij Groop a di Nashanal Kriol Kongsl a Bileez. Yu waahn shyaa er aks sohnting? Eemayl: sudz142@gmail.com **Vizit: www.nationalkriolcouncil.org**